

脈義簡摩卷一

皖南建德周學海潛初甫撰輯

部位類

寸口

十二經皆有動脈。獨取寸口。以決五藏六府死生吉凶之法。何謂也。然寸口者。脈之大會。手太陰之脈動也。人一呼。脈行三寸。一吸。脈行三寸。呼吸定息。脈行六寸。一日一夜。一萬三千五百息。漏水下百刻。榮衛行陽二十五度。行陰亦二十五度。爲一周也。故五十度而復大會於手太陰矣。寸口者。五藏六府之所終始。故取法於寸口也。難經



周澂之所
箸醫書



脈學四種

脈義簡摩
診家直訣

脈簡補義
辨脈平脈章句



自世遠狃榛渾沌之天以失民知火粒嗜慾之源日開
六鑿相攘於靈臺五節潛乘於癘氣荆弋葦矢不弭猶
狂之災夏疥春瘡遂眇鶉居之壽於是神農鞭草岐伯
受鍼七十二毒以勤民八十一難而闡奧布越人之指
卽解支蘭過矯氏之門便知求艾紂絕天上旱逢強死
之魂腐史傳中遂重專家之學然而鴻術淵深稀聞九
折鰓生膚受罕究六微造脈訣而掩真熟湯頭而獵食
三停略辨甯知握虎之功五藏何辜乃類夢羊之踏鑿
陳冰於篋裏以寒益寒熱石火於擔頭以熱增熱徒使
驅魂東岱促景西山此梁皇所以有用勸之文班史所
以著中醫之諺也夫鵲兄視色殆絕言詮龍叔見心或



非實錄語其十全之要無若五診之方是故經著奇胲
道傳摩息臨淄故吏知奉劒之將亡東莞國工雖鬲幕
而可試洞見癥結豈煩竹筵之披色類茲青便刻韭英
之候豈有帷中婦寺不辨陰陽夢裏鈞天罔知血脈而
能乞靈於萬金之藥五禽之戲者乎徵之司馬青箱世
業金匱功臣得儒門事親之道有上醫治國之材讀抱
朴之書能知一牝二牡入皇祐之試可對十道六通既
廣鑄夫善本以嘉惠於後人茲復發鄴侯之架採三萬
卷之藏書起軒后以來萃百十家之名論鈞元提要匡
謬訂訛盡度金針勤宣木舌撰爲脈學四種洵足闡靈
蘭之大義挾長桑之秘言作仁術之慈航示良工之大



璞矣雖然醫之道通於神明脈之理窮極要眇或類珠
之轉盤或如石之投水或循竿而循羽或如弦而如鉤
蝦游冉冉起伏狀於重淵雀啄丁丁斷續擬之屋漏故
黃帝曰若窺深淵而迎浮雲叔微曰意之所解口莫能
宣自非善解天哉證之人事課得失於寸心析毫釐於
千里則泥古者之契舟求劍與離經者之槌墮索塗其
謬一也苟明乎此而讀司馬是書思過半矣時在光緒
二十二年歲次丙申仲冬月

賜進士出身

誥授資政大夫二品頂戴江蘇淮揚海兵備道通家生
謝元福子受甫識



周澂之脈學四種總目

脈義簡摩八卷

脈簡補義二卷

診家直訣二卷

辨脈平脈章句二卷

右脈學四種都十四卷皆依舊義而衍釋之簡摩正

義也補義餘義也直訣本義也辨脈平脈章句古義

也嘗謂古醫書之見傳於世者內經難經傷寒論金

匱要畧外其中藏經脈經甲乙經病源候論肘后方

千金方翼方外台祕要莫非三代秦漢之遺言良法

美意餉遺靡盡學者必須熟復此等方可漸窺軒岐



堂奧若區區才讀傷寒論一過便自誇仲景復生輕
詆前賢何足貴也茲四種者於宋元以後脈書均有
發明獨恨內經脈經之法頗多失傳無可攷證自慚
譾陋不能釋懷卷末特附脈法失傳一篇冀高明者
之有以開我也婦科一卷詞繁不殺以婦人脈法自
昔缺畧故瑣錄之不忍有所弃也兒科一卷詞多泛
引意以示大人小兒之無二法也事乖常例閱者諒
諸光緒丙申仲夏學海識



脈學四種引用書目

欽定圖書集成藝術部醫學門

書引幼科全書古今醫統嬰童百問並出此

欽定醫宗金鑑

素問

唐王冰注 宋林億校正 書中曾引用其注者載之

靈樞

難經

滑伯仁注

離頤經

在當歸草堂醫學叢書中

史記扁鵲倉公傳

張守節正義

三國志華佗傳

傷寒論

成無已注

金匱要畧

徐忠可注

華佗中藏經

華佗內照法

皇甫士安針灸甲乙經

王叔和脈經

脈訣刊誤集解

巢氏病源候論

孫真人千金方



千金翼方

張雞峯普濟方

陳無擇三因方

許叔微本事方

史載之方

楊仁齋直指方

張潔古保命集

劉河間原病式

李東垣內外傷辨

脾胃論

蘭室祕藏

王好古此事難知

在東垣十書中

醫壘元戎

張子和儒門事親

朱丹溪格致餘論

脈因證治

脈訣指掌

丹溪心法

心法附餘

王安道溯洄集

滑伯仁診家樞要

齊德之外科精義



劉宗厚玉機微義

虞天民醫學真傳

王節齋名醫雜著

在薛氏醫
案全書中

汪石山推求師意

汪石山醫案

在石山
全書中

張景岳全書

內採傳忠脈神
傷寒雜病四種

類經附圖翼

孫一奎赤水玄珠

樓全善醫學綱目

王肯堂證治準繩

瀕湖脈學

繆仲醇本草經疏

李士材診家正眼

醫宗必讀

易思蘭醫案

芷園憶草

在醫林
指月中

盧子由學古診則

陳遠公辨證錄

戈存橘傷寒補天石

陶節菴傷寒全生集

慎柔五書

劉潛江本草述



喻嘉言三書

寓意草尙論
篇醫門法律

高鼓峯醫法正傳

高士宗醫家心法

張石頑醫通

診宗三昧

郭元峯脈如

葉天士幼科要畧

溫熱論

臨証指南

葉案存真

馬元儀印機草

沈芊綠諸脈主病

陳脩園醫學實在易

時方妙用

楊栗山寒溫條辨

吳鞠通溫病條辨

石芾南醫原

王孟英溫熱經緯

趙晴初醫話稿

王漢皋醫存

費伯雄醫醕臚義

雷少逸時病論



名醫類案

名醫類案續編

古今醫案按

錢仲陽小兒藥證直訣

萬氏育嬰家祕

寇氏全幼心鑑

夏禹鑄幼科鐵鏡

許橡村痘訣七種

痘疹會通

種痘新書

幼幼集成

驗方新編

日本元氏脈學輯要

在事脩堂全書中

西醫畧論

全體新論

全體闡微

右脈學四種引用之書也中間以內經難經金匱脈經史載之方景岳脈神士材正眼石頑三昧元峯脈如漢皋醫存爲收錄校多此外凡未引用概不虛載



他如朱丹溪局方發揮程郊倩傷寒後條辨葉天士
景岳發揮陳脩園景岳新方砭徐靈胎難經經釋醫
貫砭源流論批點臨證指南莫非恣意攻訐輕薄口
吻壞人心術雖書中偶有引用亦削其目而不著焉
細繹葉先生生平議論必不肯作景岳發揮必是他
人僞託脩園之於景岳乃學之而不至背之以求勝
者也誠能深造有得真知斯道之難諒不肯輕議前
人矣張隱菴黃坤載鄒潤安自以高明突過曩哲所
發爲論悉墮五行二氣之空談不切人事日用之實
際學海魯人也無取於是亦不欲以是繩人故皆少
所稱述云



脈義簡摩
八卷



徵之前輩同年既彙刻脈經本草經難經諸書表章遺
籍嘉惠來學俾醫有繩尺病無天枉卓然盛心已頃復
示所著脈簡若干卷命與文敘之夫醫之爲道最尊其
術至難不易三品之藥金石草木之性能生人亦能殺
人醫操生殺之權莫尊於是自軒岐以逮漢晉隋唐醫
學家方書汗牛充棟文字之淵奧與治法之微妙淺儒
膚學開卷瞢然莫難於是至所藉以行其道而施其術
者獨有切脈一端病狀萬殊呼吸千變欲其手與心合
氣與神通卽脈以審證隨方以奏效非夫精研古籍神
明於古人之法安所執以爲定衡耶世徒以醫卜星相
並稱而醫之尊者賤業醫者不識古書隨俗臆決而醫



之難者易內經之言曰下工切而知之今世果能切脈
以知病則固儼然上工也脈經廢而脈理不明脈訣脈
學行而脈理愈晦前輩脈經之刻信古人功臣矣脈簡
之作其殆今世導師乎曩者先大人善以醫術濟人生
平持脈精審壹以古經爲斷興文譏陋愧不能承家學
前輩以名進士來官河上雅好博古迺復啟局洞窻於
醫門是編卽壽身之益溥爲壽世之資意在執簡以馭
繁非世之所爲因陋就簡者興文雖不克明言其所以
然要其綜古法而擇之精本心得而言之有當脈理之
謬茲可埽蕩廓清矣艱辭不文敬書簡端以復
光緒十八年壬辰孟秋歛年侍許興文拜序

